

## **Kálag echě Paalε áténlé Baá Kolose Ndibned ní kálag**

Paalε, mbapεε a nlomag nhóg awe Yesu Krístəə mós antěl enén kálag áde ádíí á mbwəg á dyad á Roma. Antelé bad bé dyad á Kolose. Saké Paalε andibé mwembé míme mbédé á Kolose. Epafrase mós andibé mwembé míme mbédé áwed. Epafrase ambé á dyad á Efesus. Anwóg eyale é Dyöb áwed, adúbe-’ε Yesu Krístəə. Anhidnéd échē eyale, áke ákal chó á Kolose, ádíbe-’ε mwembé áwed. Ambíd e pónde, Paalε anwóg nén bán bemeléde bé metóm bépééné ayáge áde déeboó á mwembé-te wē. Abē bemeléde béyágté’áá nén bán, kénzée awē ahede’ Dyöb abíi, awē ahede-’ε e’soosə akud, atəngéné née ábageé ngíne ne benkamlne bé nkönsé edúbé. Bán mod atəngéné-’ε née áhídeé mbéndé née áyag mod ne áhíd mbéndé émpēe təngene ndyééd échē mod éētəngeneé adyé, ne ekud é mam émpēe. Mmén mekan mésyāāl-lóó mós mēnkəŋ boŋ Paalε áténlé bad bé mwembé mé Kolose enén kálag, áleb bó ábel bébíi mbále təngene Yesu Krístəə ákamlen bad bésyāāl ne ákamlen ngíne é nköŋ rísé ne mímín. Mwēnpēn-naá ahele ahúd syánē á mbéb-te.

### **Nkabtéd ní kálag**

Ndibned ní kálag 1.1-8

Nsón míme Krístəə 1.9-2.19

Alongé dékōlē ábe ne Krístəə 2.20-4.6

Nsógten 4.7-18

*Paale alómmé bad melɛntɛn*

<sup>1</sup> Mɛ Paale, mbapeɛ a nlomag nhóg áwě Yesu Krístəə, ngáne Dyöb áttíde mɛ-ɛé ntenlé nyé enén kálag. Se Timoti, awesyánē mwānyan a Krísto, sêlómme nyé melɛntɛn. <sup>2</sup> Ntenle nyé bad bé Dyöb ábe nyêdé á dyad á Kolose. Nyêdé ne Krístəə, nyêhíde-’ɛ mó ne nlém nhóg. Nsimé ne nsan í Dyöb Titée awêd mbé ne nyé.

*Paale aságnéné Dyöb á mekáne-té*

<sup>3</sup> Póndé téé sêkännad nyé, séságnān Dyöb, Sáá awě awɛd Sāngwéé, Yesu Krístəə. <sup>4</sup> Séságnan Dyöb áyāle sêwógé bán nyêdúbpé Yesu Krístəə, nyêdəá-’ɛ bad bé Dyöb bésyāāl. <sup>5</sup> Sêbíí nén bán nyêbele’ nê áyāle nyêsumé nlém nén bán nyéékúđ nnam míme Dyöb ákóñnéde nyé ámín. Nyemmād mam awóg tñgɛne míme nnam áde bésébpé nyé nkalan í bwām í mbále akale. <sup>6</sup> Mmén nkalan í bwām mé nsimé í Dyöb íkanlad mebwóg ne mebwóg íkag á’sō. Epun e é’só éche nyéwógé nyênsóñtén bán Dyöb ákóñté nlém í bwām awón ne bad bé mbéb. <sup>7</sup> Epafrase, mbəleɛ awe Yesu Krístəə móo ankalé nyé míme nkalan. Adíí mod awě syāābōō sêbele’ nsón, sêdəá-’ɛ mó bwāmbwam. Abenle’ Yesu Krístəə ne nlém nhóg. Abé áde adíí-’ɛ ne nyé, nsón míme séntəñgēnnē abel móo ábelɛé. <sup>8</sup> Mó aláñgé-’ɛ sé aá Edəádəñ é Dyöb ébéle nyêdəá bad bé Dyöb.

<sup>9</sup> Né-óó, bootya póndé echě séwógé míme nnam, sêkännad nyé póndé téé. Sêkānne nén bán Dyöb ábel nyékon chöm éche áhɛdeé aá nyébel asóñtɛn. Sêkānne nén bán Dyöb ábe nyé debyéé ne nsóñtɛn ábel nyésóñtɛn mam mé Edəádəñ bwām. <sup>10</sup> Nê

débĕl ádĕn alongé débĕ ngáne alongé áde bad bé Dyöb átáŋgéné abé. Nyéēbele' mam nímĕ méwógte mó menyinĝe. Mekan mé bwám mó ne mós'ée nyébeléé. Nyaa echĕ nyésōŋtĕn-naá Dyöb, échāgkĕ acháge ne acháge. <sup>11</sup> Sĕkánne-'ε ámpĕ nĕn bán, Dyöb ábĕ áwĕd nyé áte ne echĕ ngum echĕ echabé ámĭn, ábel nĕn nyéhĕl awēsĕn, nyékan nĕm, nyébé-'ε menyinĝe áyāl e mam mésyāāl. <sup>12</sup> Nyéēsāgnĕn Titée áyāle chōm ésyāāl. Mós'aá abelé boŋ nyékwognéd ábĕ bad ábe békobe akab á bwĕm ábe ákōŋnédé ábĕ bad hōm áde e'nyĭnen bé ekíde é'díi. <sup>13</sup> Ahúdé syánĕ ásĕ e ngĭne e nkamlĕne a ehĭntĕn, apĕné syánĕ ásĕ e nkamlĕn nĭme awe Mwān a nĕm. <sup>14</sup> Dyöb álágsĕné syánĕ nĭmed mbéb akōde áde ákódté syánĕ ne mekií nĭme awe Mwān ásyóge á awōg.

<sup>15</sup> Modmod eenyĭnnéé Dyöb dĭd. Boŋ bad bénsōŋtĕn ngáne Dyöb ádíi áde bényĭné Krĭstā áyāle adii nwágĕn ní Dyöb. <sup>16</sup> Edé nĕ áyāle, mb-wiined ne Krĭstā dōo Dyöb áhágé bwĕm é'syāāl á nkoŋ ní mĭn ne nĭsé. Ahágé bwĕm ábĕ bényĭnnéé dĭd ne ábĕ béenyĭnnéé dĭd. Mós ahágé benkamlĕne, ne ngĭne ésyāāl. Dyöb áhágé bwĕm é'syāāl mb-wiined ne mós, mós'aá Dyöb áhágkĕ ábĕ bwĕm é'syāāl. <sup>17</sup> Bédĕháb bán béhāge' kéchéé á nkōŋséte né Krĭstā adé alongé. Mós'aá akāó boŋ bwĕm é'syāāl ébĕ á e'dii. <sup>18</sup> Mós adé nló nĭme bad ábe bédúbpĕ mós, bós'aá bédé nĕŋgáne eche yāl. Mós abage ábĕ bad alongé áyāle mós adé mod a'só awĕ Dyöb ápúúdté awĕ ábĕ-'ε abé ne abé. Nĕn dĕmbĕnléd ábel nĕn ábĕ nkamlĕne ámĭn mekan mésyāāl. <sup>19</sup> Mmĕn mekan médé nĕ áyāle nĕn Dyöb dĕn-éé ádĕ. <sup>20</sup> Dyöb dĕmbĕl nĕn aá chōm ésyāāl

étim ásē ne mós Dyöb mbwiined ne Krīstæ. Abén bwēm é'bédeé bwēm bé nkoŋ rísé ne bwēm bé nkoŋ mí mín áyāle asyog áde awe Mwän ásyógé mekií á awog. Bəəb-pəós, chōm ésyā́l éhēle ébē nsaŋ ne Dyöb.

<sup>21</sup> Nyé ne nyé nyēmbé nchabned ne Dyöb, nyāābe Dyöb nyéebédeé áyāle mewēmtēn mé mbéb míme nyénwōŋ'é ne mbēltéd mé mbéb míme nyébéle'áá. <sup>22</sup> Boŋ bəəb, Dyöb ábéleé nyētímé ásē ne mós, awé áde awe Mwän Krīstæ awē abédeé moonyoŋ áwédeé á awog. Dyöb dēmbēl nē ábel nén nyébē wée módíí, nyébē bad ábe bésáá, nyéewóó atón dé mbéb ké ahóg á yāl, béēkōbnē-'ε nyé awusé ké ahóg. <sup>23</sup> Ebē nén bán áden adúbe adii awúú áte nyéehúde-'ε mekuu ásē ne asum áde nyésumé nlém áyāl e nkalaŋ mí bwām míme nyéwógé. Mmē nkalaŋ mí bwām míme nyémáá awóg, rídii nkalaŋ míme ríkánlédeé nkōŋsé áte rísyā́l mó-'áá me Paale, rítímé mbəlede a Dyöb ákal.

### *Nsón míme Paale*

<sup>24</sup> Ndé menyinŋe bəəb ne metake míme ríkudéé áyāl echēn. Ngáne ríkudéé mímén metake, mmade metake míme Yesuε mímé rítāŋgéné abé, áyāl eche yāl, nédē bad ábe bédúbpé mós. <sup>25</sup> Dyöb ábéleé me mbəledeé ábele bad ábe bédúbpé Krīstæ. Alómé me áá ríkoŋ nyé échē eyale akale bwām. <sup>26</sup> Bəód, éché eyale émbē dyaŋ áde bad bēnkēnsōŋtēnné. Boŋ bəəb abele ábē bad bēbíí chós. <sup>27</sup> Dyöb áhede' nén áá ábē bad bēbíí nén bán nhōn ne ehúmé éche Krīstæ édé káŋne ne bad ábe béesé bad bé Israēl. Kun eché edé áwēd-te edii nén bán, nyésum nlém nén bán nyéēkūd ehúmé éche Dyöb áhóbé áá móšbē ábē bad. <sup>28</sup> Né-'áá ákáo boŋ sélāŋgē bad tēŋgene

Krīstəə kēhéé wéε sékagké. Sēlébe', séyāgtē-'ε bó ne debyéé ásyā̄l áde Dyöb ábágé sé. Sēbele nê áyāle sēhede nén bán békobned á'sō é' Dyöb nēngáne bad ábe mekuu mémáá awédned ásē á adúbe-tē. <sup>29</sup>Boŋ nwane áte bwāmbwam. Ngum echē Krīstəə eche edé me áte, chó-'ε ebage me ngíne áwan áte.

## 2

<sup>1</sup>Ndəə mēé nyébii ngáne ríkempεé awan áte áyā́l echên, ne áyā́l e bad bé dyad á Laudesia, nyébii-'ε ngáne ríkempεé awan áte áyā́l e bad bémpēe ábe béēnyinnē me dīd. <sup>2</sup>Mbele nê áwéd bó nlém á abum ábel boŋ edəŋge éche édé átintē echên ébel nyébê mod nhóg. Nhede me nyāābōō nyésuṃ nlém ne asum ásyā̄l nēε bad ábe bésōŋténé dyam á Dyöb áde bad bēnkēnsōŋtēnné. Adē dyam-me ádíi Krīstəə mwēn. <sup>3</sup>Krīstəə móō ahele ábēl boŋ nyēwón debyéé ásōŋtēn mekan mé Dyöb. Mmé mekan médé etógnén bwāmbwam. <sup>4</sup>Nlāŋge nyé nén ábel boŋ mod eédogné nyé e'nyin bé nsal áte se nyēwémtén nén bán dyam áde álāŋgεé nyé átāŋgéné. <sup>5</sup>Ndəə mēé nyébii nén bán kénéε mmēn méesaá ne nyé, ndé ne nyé é edəádəŋ. Kénéε méesaá-'aá ne nyé, ndé menyīŋge nén adúbe áde nyédúbpé Krīstəə ályáge áde ngíne.

*Bad bé Krīsto béesaá ásē  
e mbéndé é nkōŋsé ámpē*

<sup>6</sup>Né-əó, ngáne nyékóbe Krīstəə nēε Sāŋgwéé awên, nyébê nyébele' ngáne áhedeé. <sup>7</sup>Adúbe áde nyédúbpé chōm-εε ábēn bemeléede bēyāgté nyé édé mbále. Nyésāgnan-ne Dyöb pónde té áyāle chōm ésyā̄l. <sup>8</sup>Nyéēmwāg-se mod atéd nyé ntāŋ áhíd e'hóhó bé áyáge dé metóm áde bēyāgtéé.

Ayáge áđě báyágtεé nyé áđíi ayáge áđě békóbé wéε ábāb betaa ne áde áhíde mbéndé é mekan mé nkōńsé. Áđě ayáge áđíi ayáge áđě áhúú ne baányonḡ ngēn déēhúú'é ne Krīstāa. <sup>9</sup> Nyēmwāg-se ábē bemeléede bé metóm bédog nyé áyāle nén ngine ne abé á Dyōb áde yāl e moonyon echē Krīstāa áte. <sup>10</sup> Né-ǎǎ, nyélóné mbon áyāle nén nyēde ne Krīstāa, Mǎ-'aa akamlan ngine ne benkamlenε bésyāāl. <sup>11</sup> Abé áđě nyédíi ne Krīstāa, Krīstāa ayagé nyé. Eesaá nēngáne moonyon áyagεé mod. Krīstāa mó ayagé nyé é edǎǎdǎḡ-tē. Ahúde áden abé dé mbéb. <sup>12</sup> Ade bēndusénné nyé, éde néε nyēnwé, béli mé nyé, Dyōb ápūūd-tε nyé ne Krīstāa. Nén dēmbenléd ne nyé áyāle nyēndúbé nén bán ngine e Dyōb echē epuúdté Krīstāa ēpuúd nyémpē. <sup>13</sup> Ngen e'só nyēmbé byánán nyēwéde áyāle nyēbóó'aa mbéndé é Dyōb. Ene pǎndé-'ε né Krīstāa éēhūdēē nyé abé dé mbéb áyāl. Bon bǎǎb, Dyōb ábágé nyé alonḡé dékǎǎlé apuud áde ápúúdté syánē ne Krīstāa. Alāgséné syánē nímεd mbéb nisyāāl. <sup>14</sup> Edé nēngáne apínné mbéb nime syánē wéε ántenlé mó. Nédé nímé mbéb méesaá ámpē. Dyōb ábómmé nímé mbéb á awǎg abome áde bébómmé Krīstāa á awǎg bon awé-'ε. <sup>15</sup> Dyōb déntōm ngine ne benkamlenε bé nkōńsé áte. Atóm áde ántōmmē bó, dényīnnēd ne moosyāāl ne awé áde Krīstāa ánwēē á awǎg.

<sup>16</sup> Né-ǎǎ, nyēmwāg-se bad bēlāngē nyé bán nyēbelé awusé áyāle nyédyáḡkē donḡe dé medyé, ké'ε áyāle nyémwáḡkē donḡe dé mmítéd, ké'ε áyāle nyēēbāḡkē donḡe á ngande ásē, ké'ε ngande echē ebāḡ nzé ngon étúbé túbén, ké'ε ngande e Epun é Nkóme áte. <sup>17</sup> Echē mbéndé ésyāāl

ébedé-’ε née e’diidingε ábĕ é’lúmté’áá mam mé bwâm míme Dyōb déntāngēnnē alóm. Krīstāa mós-’áá alónté mímé mam mésyāāl. <sup>18</sup> Nyéemwāg-σε mod anyágéd nyé áá nyētāngéné yāl asuded. Nyéemwāg-κε σε mod anyágéd nyé nén áá nyētāngéné ángel edúbé abε ngáne ábageé. Nzé nyêbelé nê né nyéēbōd ndε echĕ Dyōb áhóbé áá mósōbĕ nyé. Kénzée awĕ ayágte’ nê, ahóbe’ áá mónyīnē á ndóg-te. Ene ndín e mod edé kúmbe ngĕn ne mekan mé mbéb míme mbíde’ mós á nlém-tê, boŋ eewóó’é nzom ké póg ábé. <sup>19</sup> Ene ndín e mod esógé Krīstāa awĕ adé nló mí bad ábe bédúbpé adúbe. Ngáne nló ríkamlanné yāl esyāál, melemlem nê dós Krīstāa ákamlanné bad ábe bédúbpé mós bésyāāl ábel bébĕ mod nhóg. Ngáne nsid ríladεé mebōŋ mé yāl mé mod boŋ abé mod nhóg, nê dós Krīstāa áladεé bad ábe bédúbpé mós ábé mod nhóg ásē echĕ. Mmê nlatén ríkwoge-’ε ngáne Dyōb átífidé.

### *Awé ne ábé á alongé ne Krīstāa*

<sup>20</sup> Edé bōob byánán awé áde Krīstāa áwédé, nyéwédé ne mós. Né-ós nyéēsaá ásē e mbéndé é nkōŋsé ámpĕ. Cheé-ō ékás boŋ nyêbé nyéhídĕ’ échĕ mbéndé byánán nkōŋsé rídii ríkamlan nyé? <sup>21</sup> Abĕ bemeléde bé metóm bélānge nyé nén bán, “Nyéechāngé échĕn, nyéewóglán échíníí á nsəl, nyéēsítán échĕ.” <sup>22</sup> Echĕ mbéndé esyāāl éñone’ bwēm ábĕ béēbāg dyamdyam ámpĕ nzé mod amaá bós abenled. Echĕ mbéndé édíí mbéndé ne ayáge áde bad bĕn béhāgné nló. <sup>23</sup> Echĕ mbéndé ébelé ényīnnāād byánán édé debyéé áte bwāmbwam áyāle nén, éyágte bad nén bán bĕn

bétāngéné née béwóó nlém âbel mekan míme mékámé abel, âlúmed nén bán békoo Dyöb ahíd. Eyágte bad bán bésuded yǎl, bébane-’ε yǎl á metake-tê bwâmbwam. Boη ké bad bénhūū échê mbéndé ahíd, éeheléé bó awōηgen ásóg mewêmten mé mbéb awōη.

### 3

<sup>1</sup> Edé bōōb byánán apuud áde Dyöb ápúúdté Krīstæ, nyémpē nyēpuúdé ne mó. Né-óó, nyébê nyóngé áyāl e mam mé mǎn, wée Krīstæ ádíí á nkamlen á ekáá émbáá é Dyöb. <sup>2</sup> Nyébê nyésum nlém áyāl e mam mé mǎn, nyéēsūmē nlém áyāl e mam mé nkōηsé. <sup>3</sup> Nyébíí nén bán, awé áde Krīstæ áwédé, édé nēηgáne nyémpē nyêwédé. <sup>4</sup> Krīstæ mó ádé alongé áđēd, áde ápéé-’ε á nkōηsé-te wén nyémpē nyéēbē ne mó ne ehúmé ésyāāl.

#### *Alongé dé nchun ne alongé dékōālē*

<sup>5</sup> Né-óó, nyéhūd mekan mé ekob é yǎl nlém ne ahúd ásyāāl. Nyéhūd nlém áyāl e mam nēηgáne, akáb dé mesón, mbinde é mekan, esíí é mam mé ekob é yǎl, âwōη mewêmten mé mbéb ne ngoód. Nzé nyêde ngoód né édé nēηgáne nyébage Dyöb démpēe edúbé. <sup>6</sup> Dyöb dékōgsēn bad bésyāāl ábē bébele’ échén ndín e mekan. Echén ndín é mekan éliηse’ Dyöb, né-óó, ákōgsēn bad ábe bébele chó hēén. <sup>7</sup> Echén ndín é mekan chóó nyébéláá ngen e e’só, áde esíí é mekan mé nkōηsé ékámáá nyé. <sup>8</sup> Boη bōōb mekan nēηgáne meliηgá, pél, ekoyí, ábébed mod dīn, ne ábéb nsal áte, nyétāngéné mó asóg dé abel. <sup>9</sup> Nyéēkanlé’ nhóg ne aníníí metóm. Nyéēbēlē’ mímén mekan ngáne édíí bán nyēmaá áden abé dé mbeltéd mé mbéb atede. <sup>10</sup> Bōōb-póó



nyêmaá nkob mékããlê ahé. Dyöb áhéde nyé ádén alongé dékããlê áte, akwogte-’ε dó ábel nyébê néé mó, nyékon-’ε mó awě ahegé nyé abíi bwâm. Awón áde nyéwóó ádén alongé dékããlê ábélé <sup>11</sup> nhənlén méesaá átíntê e mod awě adé mod a Israel ne awě eésě, ké’ε mod awě béyágé ne awě béeyagεé. Ken mod adé mod a nken-ε, ken mod e ahín-tê-yε, ken ntân-ε, ken kunze-yε. Krístəə mó adé dyam ásyāāl adé-’ε bó mod asyāāl áte.

<sup>12</sup> Né-ɔɔ, nyétəngéné nlém ní ngəl awón, nyétəngéné nlém abon, nyétəngéné-’ε yəl asuded. Nyétəngéné apwiited, nyétəngéné-’ε awεsen. <sup>13</sup> Nyétəngéné nhóg ne aníní awεsen. Nzé mod bó waáb békúú waáb álagsén mó. Ngáne Səngwéé álagséné nyé, nyémpē nyétəngéné nyélagsén nhóg ne aníní. <sup>14</sup> Amín e nímén mésyāāl, nyédəŋ nhóg ne aníní. Edəŋge chóə élade’ chǝm ésyāāl. <sup>15</sup> Krístəə abelé nyédé nsəŋ ne nhóg ne aníní. Né-ɔɔ nímê nsəŋ nítəngéné chǝm ésyāāl éché nyébeleé alyáged. Nyétəngéné nyésəgnēn-ne Dyöb pónde ésyāāl. <sup>16</sup> Eyale éche Krístəə ébê nyé á nlém-tê bwâm abé ne abé. Nyébeɛnlad éché eyale ne debyéé ásyāāl áyáged ne áleb nhóg ne aníní. Nyékəŋne’ Dyöb ngəse éche édé á kálag e Dyöb. Nyékəŋne’ Dyöb ngəse éche ékənte’ Dyöb ne Krístəə, ne nkəngé ké níhéé níme nípiídé nyé ákémed Dyöb. Nyékəŋne’ mó ásəŋneɛn mó ne nlém nisyāāl. <sup>17</sup> Kéchéé éché nyéhóbeé, ké’ε éché nyébeleé, nyébele chó á dín áde Səngú Yesue. Nyésəgnan Dyöb Titée á dín á Yesu.

*Alongé dékããlê áde nyétəngéné awón*

18 Nyé bebaád bé bechóm, nyéwógne áben bechóm. Nê dǎo bad ábĕ bédúbpé Sǎngwéé bétǎngéné abel. 19 Nyé baachóm ábe nyéwóo bebaád, nyédǎng ábĕn bebaád, nyéētágté-'ε bó ngĕn.

20 Nyé bãnbǎn, nyéwógne áben bésáá ne benyaá áyǎl e kéchéé échĕ nyébeléé. Nê dǎo Sǎngwéé ádáó aá nyébel. 21 Nyé bésáá bé bãn, nyéēkaŋté áben bãn. Nzé nyĕkaŋte' bó, né nyésúnte bó yǎl áte. 22 Nyé betǎng, nyéwógne áben bewóŋ pǎndé ésyāǎl. Nyéēbenlé bó nsón dásō pǎndé echĕ bényínéé nyé ábel békémed nyé. Boŋ nyébenle bó ne nlém nhóg áyǎle nĕn Sǎngwéé mós nyébagéé edúbé. 23 Nsón ké nhéé nímĕ nyébeléé, nyébele' mós ne nlém nisyāǎl. Nyébele mós, nyébíi-'ε nĕn bán Dyǒb dǎo nyébenléé saké baányoŋ. 24 Nyébíi nĕn bán nyéēkǔd nsábe níme Sǎngwéé ákǎŋnéde ábĕ bad. Krístǎe mós adé mod awĕ nyékoo'ε abele. 25 Dyǒb dékǎgsĕn kénzĕé awĕ abelé mbé b áyǎl e mbé b níme ábĕlé. Dyǒb déekwognádté modmod.

## 4

1 Nyé bad ábe nyéwóo betǎng ásĕ echĕn nyéwále áben betǎng nyaa echĕ Dyǒb áhedeé, nyéchǎa-'ε bó bwâm. Nyébíi nĕn bán nyémpĕ nyéwóo mod ámĭn awĕ nyédíi ásĕ echĕ.

### *Paale awéde' bad nlém á abum*

2 Nyébĕ nyéwĕd yǎl áte á mekáne-tĕ. Nzé nyékánne-'ε nyébānĕ nlém ne kéchéé éche nyélǎngéé Dyǒb, nyésǎgnĕn-nε mós. 3 Nyékánne-tĕ sémpĕ ábel nĕn Dyǒb ánedned sé nzii ákal nkalaŋ tǎngene Krístǎe níme bad békĕnsóŋtĕnné bǎód. Mmĕ nkalaŋ níme níkaléé mós níkáó boŋ mbé á

mbwəg. <sup>4</sup> Nyékānne' nén bán ríkale mó bwām nyaa echē rítəŋgéné abel. <sup>5</sup> Nyébíi ngáne nyébeleé mekan nzé nyédé ne bad ábe béédúbpe Krístəə. Póndé téé eche etál ébágné ne nyé, nyébenle' bó mekan me bwām. <sup>6</sup> Nzé nyáābō nyékale', nyéched ehób á nsəl, nyékale póle éche ébonje bad nlém á abum. Nzé nyébele' nê, né nyéebīi ngáne nyékwentanné kénzée awě asədté nyé dyam.

### *Melenten mé asóg*

<sup>7</sup> Tikikuse, mwānned a nlém a Krísto ālāā nyé mam míme mébenlad ne me hén. Mómpe adii mbəlede awě abenle Səŋgwée ne nlém nhóg nchoo ne me. <sup>8</sup> Nlóme' mó áwēn ábel bonj álāā nyé ngáne sédíi, áwəd-te nyé nlém á abum. <sup>9</sup> Nlóme' bó Onesimus. Onesimuse mómpe adii mwānned a Krísto awesyānē awě dэдáá. Mómpe abenle Krístəə ne nlém nhóg. Adii mod awě abídé áwēn dyad. Bó Tikikuse bēlāā nyé mam míme mébenlad hén.

<sup>10</sup> Aristakuse awě sūmō bedé á mbwəg hén alěnté nyé. Banabase mwānyan mómpe alěnté nyé. Meməd nyé alāā təŋgene Makose. Nzé apedé, nyékob mó nken. <sup>11</sup> Yesu awě béchəgée bán Justuse, mómpe alente' nyé. Abén bad bēlāān bənpən bōō bédé bad bé Israel ábe bédúbpe Krístəə, ábe syāābō debele' nsón ákal nkalan təŋgene nkamlen ní Dyōb. Békéwəd me nlém abum bwāmbwam. <sup>12</sup> Epafras mómpe alěnté nyé. Mómpe adii mod awě abídé áwēn dyad, abé-'e mbəlede awe Yesu Krístəə. Akānnad nyé póndé téé. Aá Dyōb dən ábel nyékoŋ chōm éche áhedeé aá nyébel abii, nyébel-le chó. <sup>13</sup> Mmən mbíde' mó mbón nén meé abelé nsón bwāmbwam áyāle echēn ne áyāl e bad bé Krísto

áβε βέδέ á Laudesia ne á Hirapōlis. <sup>14</sup> Lukase, dógtε awě dédáá bó Demase, bōmpē belómmé nyé melentεn. <sup>15</sup> Nyéεnted με bānned bé Krīsto ábe βέδέ á Laudesia. Nyéεnted-τε με Nimfaa, ne bad ábe βédúbpé bésyāāl ábe βébome' áwe ndáb. <sup>16</sup> Nzé nyêmaá enén kálag alán, nyélóm chó á Laudesia ábel bōmpē belân chó. Nyémpē nyényín nén bán nyéláá kálag echě rílómmé bad bé Laudesia. <sup>17</sup> Nyéláa Achipuse bán ányín nén áá mómadá nsón níme Sāngwéé ábágé mó áá ábel.

<sup>18</sup> Με Paale mmēn-εé mběnlédé échēm ekáá átele nyé nímén melentεn. Nyéēchatán nén bán ndé á mbwōg. Nsimé ní Dyōb ríbê ne nyé.

**Mel̃ Mékō̃lē**  
**New Testament in Akoose (CM:bss:Akoose)**

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Akoose

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files dated 29 Jan 2022

0143729f-907e-5098-b6ce-63b1629b8e48